



Stangeland Maskin AS

Kontakt saksbehandlar

John Inge Johnsen, 51 56 89 09

Att. Tommy Stangeland

Jærstrendene landskapsvernområde. Dispensasjon til graving/utskifting av røyr for overflatevatn gjennom dyneeng på gnr. 23/8 Veggevika, Hellestø, Sola kommune

Vedtak:

Statsforvaltaren gir dispensasjon frå verneforskrifta for Jærstrendene landskapsvernområde til gravearbeid i samband med utskifting av drenerør som har gått tett. Under føresetnad av ei god tilbakeføring vil omsøkte gravearbeid i gamal trase ikkje vere i strid med føremålet med vernet, og ha liten negativ verknad på landskapet. Statsforvaltaren gir dispensasjon til omsøkte «dreneringsarbeid» med heimel i § 5-1, jf. § 2, § 3A-1, § 3A-9 i verneforskrifta. Det er knytt følgjande vilkår til dispensasjonen:

- 1) Dispensasjonen gjeld i høve verneforskrifta for Jærstrendene landskapsvernområde. Søker må sjølv avklare eventuelle privatrettslege tilhøve til aktuelle grunneigarar.
- 2) Arbeidet må utførast skånsamt slik at verneområdet ikkje vert påført varig skade. Maskinførar skal ha kjennskap til at området er verna og at det føreligg eit særskilt ansvar når det gjelder graving, køyring m.m. i verneområdet, jf. vilkåra i denne dispensasjonen.
- 3) Omsøkte trase for utskifting av røyr går gjennom dyneeng, og er spesielt sårbar i høve slitasje. Her må ein nytta liten maskin med lågt marktrykk og gjera arbeidstraseen så smal som mogleg for å redusere skade på vegetasjonen.
- 4) Vegetasjonsdekke skal leggst på duk og tilbakeførast som topplag, slik at vegetasjonen her tar seg raskare tilbake og for å redusere faren for erosjon.
- 5) Utlaupsrøyrret må «kamouflerast» i vestenden slik at dette ikkje vert liggande utan overdekning og skjemme strandsona.
- 6) Forvaltningsstyresmakta skal varslast (enkel e-post) ved oppstart slik at ein er kjent med når det vert grave i området.

Klage

Dette vedtaket kan klagast til Miljødirektoratet. Ein eventuell klage skal stilast til Miljødirektoratet, men sendast om Statsforvaltaren for uttale. Klagefristen er 3 veker frå de mottok dette brevet.



Søknad:

Vi viser til e-post av 19.08.21 frå Tommy Stangeland om drenerør for overvatn på Hellestø som har gått tett av røter, og kor han ynskjer å skifte ut røyra i ein lengde på om lag 20 m med ein ny samanhengande røyrleidning. Den aktuelle leidningstraseen er vist på kart ettersendt 20.08.21.

Heimelsgrunnlag

Jærstrendene landskapsvernområde med tilhøyrande biotopfredingar blei verna på nytt etter naturvernlova ved Kronprinsregentens resolusjon av 12. desember 2003. Naturvernlova er erstatta av lov om forvaltning av naturens mangfald av 19.06.2009. Statsforvaltaren i Rogaland er satt til å forvalte verneområdet.

§2 Føremålet med landskapsvernet er å ta vare på det eigenarta natur- og kulturlandskapet på Jærstrendene med sine særmerkte strandtypar og dei geologiske, botaniske, zoologiske og kulturhistoriske elementa som medverkar til å gje området eit særpreg.

I følgje § 3A-1 er alle inngrep og tiltak som vesentleg kan endre eller innverke på landskapet sin art og karakter forbode, medrekna uttak eller utfylling av masse, grøfting, framføring av kablar og andre anlegg og faste innretningar.

I følgje § 3A-9 er motorferdsel på land forbode.

I følgje § 5-1 kan forvaltingsstyresmakta etter søknad og på vilkår gje løyve til framføring av luftliner og kablar, mindre tilbygg og bygningar, bygg og innretningar som er naudsynte i samband med landbruk, fiske, verksemda til Forsvaret, Kystverket, Telenor og allmenne friluftsinteresser, under føresetnad av at tiltaka kan tilpassast landskapet.

Vurdering

I følgje forvaltingsplanen for Jærstrendene landskapsvernområde (kap.5.3.5) om grøfting og vedlikehald av grøfter og kanalar, er forvaltingspraksisen i landskapsverna areal at vedlikehald kan skje utan vidare, men i utmark/sanddynemark krev det først løyve til motorisert ferdsle og avklaring av gravearbeid.

Dispensasjon må vurderast etter verneforskrifta § 5-1. Prinsippa i naturmangfaldlova §§ 8-12 om berekraftig bruk, jf. § 7 skal elles leggst til grunn ved utøving av offentleg mynde.

§ 8. (kunnskapsgrunnlaget)

Det er utarbeida forvaltingsplan for området, og kunnskapsgrunnlaget er godt. Strandsona her er sanddynekyst, og stranda er mykje nytta i friluftslivsamaheng. Viktig bevaringsmål her er å sikre mest mogleg naturlege prosessar i kystlandskapet med sanddynestrand. Dyneeng-vegetasjon er ein sjeldsynt og slitesvak naturtype som krev varsemd framferd i høve maskinbruk i området.

§ 9. (føre-var-prinsippet)

Prinsippet skal nyttast i tilfelle det kan vera tvil om konsekvensane for miljøet og verneverdiane. Under føresetnad av at utførande «entreprenør» tek omsyn til vilkåra i denne dispensasjonen, vil gravearbeidet ha minimal verknad på verneområdet.

§ 10. (økosystemtilnærming og samla belastning)

Utfordringa med eit graveløyve som omsøkt er å sikra ei god tilbakeføring.



Arbeidstraseen må gjerast så smal som mogleg, likeins er det viktig at ein nyttar ein liten maskin med lågt marktrykk for å redusere skade på vegetasjonen her. Vegetasjonsdekke skal leggjast på duk og tilbakeførast som topplag slik at vegetasjonen tar seg raskare tilbake og for å redusere faren for erosjon. Utlaupsrøyrret må «kamouflerast» i vestenden slik at dette ikkje vert liggande utan overdekning og skjemme strandsona.

§ 11. *(kostnadene ved forringing av miljø skal berast av tiltakshavar)*

Søkar er fullt og heilt ansvarleg for alle kostnader med gravearbeidet med utskifting av eksisterande drenerøyr. Vidare er han ansvarlege for at arbeidet vert gjennomført i samsvar med denne dispensasjonen med vilkår.

§ 12. *(miljøforsvarlege teknikkar og driftsmetodar)*

Se ovanfor under § 10.

Med helsing

Per Kristian Austbø
ass. fylkesmiljøvernssjef

John Inge Johnsen
naturvernkonsulent

Dokumentet er elektronisk godkjent

Kopi til:

Sola kommune Postboks 99 4097 SOLA